



**BOSNA I HERCEGOVINA
FEDERACIJA BOSNE I HERCEGOVINE
SREDNJE BOSANSKI KANTON/KANTON SREDIŠNJA BOSNA
OPĆINA TRAVNIK
NAČELNIK**

Broj: 01-23-9-1020/18-4

Datum: 27.12.2018. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik („Službene novine Općine Travnik“, broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-1020/18-3 od 26.12.2018. godine, načelnik Općine Travnik, **donosi**

RJEŠENJE

o izboru najpovoljnijeg ponuđača

- (1) Najpovoljnija ponuda za javnu nabavku radova: „Izvođenje radova na spajanju vodovoda „Trebišnjica“ na bušotinu i spajanje rezervoara u naselju Maline“ bez podjele na lotove, je ponuda ponuđača „GANIK I.D.A ” D.O.O. VITEZ sa ponuđenom cijenom u iznosu od 13.261,45 KM bez uračunatog PDV-a.
- (2) Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik – stručni saradnik za javne nabavke, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumentata ne smije biti nakon datuma podnošenja ponude. Prijedlog ugovora o nabavci dostavit će se na potpis gore izabranom ponuđaču po protoku roka od 10 dana od dana kada su ponuđači obaviješteni o izboru najpovoljnije ponude.
- (3) Za izvršenje ovog Rješenja i praćenje realizacije ugovora zadužuje se Služba za obnovu, izbjeglice, raseljena lica i stambene poslove.
- (4) Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- (5) Ovo Rješenje stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Postupak javne nabavke radova: „Izvođenje radova na spajanju vodovoda „Trebišnjica“ na bušotinu i spajanje rezervoara u naselju Maline“ bez podjele na lotove, pokrenut je Rješenjem o pokretanju postupka javne nabavke broj: 01-23-9-1020/18 od 6.12.2018. godine. Javna nabavka provedena je putem konkurentskog zahtjeva za dostavljanje ponuda.

Procijenjena vrijednost javne nabavke bez uračunatog PDV-a iznosi 13.247,86 KM. Postupak je objavljen u Informacionom sistemu „E-nabavke“ Agencije za javne nabavke BiH – broj obavještenja: 54-7-3-146-3-105/18 od 7.12.2018.godine. Rok za dostavljanje ponuda u skladu sa tenderskom dokumentacijom bio je 24.12.2018. godine do 11:00 sati.

Komisija za javnu nabavku imenovana je Rješenjem broj: 01-34-16-114/18-1 od 25.6.2018. godine te je shodno Članu 63. Zakona o javnim nabavkama BiH („Službeni glasnik BiH“ broj 39/14) izvršila javno otvaranje u roku dostavljenih ponuda.

Javnom otvaranju nisu prisustvovali predstavnici ponuđača. Zapisnik o otvaranju ponuda ponuđačima je prosljeđen dana 24.12.2018. godine. Ponude su dostavili sljedeći ponuđači:

1. „FLEX INVEST“ d.o.o. Sarajevo , ponuda zaprimljena 21.12.2018. godine
2. „Ganik I.D.A.“ d.o.o. Vitez, ponuda zaprimljena 21.12.2018. godine

Ponuda ponuđača „FLEX INVEST“ d.o.o. Sarajevo, nije ispunila formalno – pravne uslove tražene tenderskom dokumentacijom iz sljedećih razloga:

OB 001

Strana 1 od 2

U obrascu za cijenu ponude, strana 16. stavka „Ukupno (C) bez PDV-a“, ponuđač vršio ispravku na način da je precrtao pogrešan unos i ponovo unio cijenu, bez da je naveo potpis i datum vršenja ispravke.

Naime, tačkom 4.1. Tenderske dokumentacije „Sadržaj ponude i način pripreme ponude“ stavom 1. je propisano: „Ponuđači su obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom će biti odbačene kao neprihvatljive“, a stavom 6. je propisano sljedeće: *“U slučaju da ponuđač primijeti da je načinio grešku prilikom pripreme ponude ista mora biti ispravljena na način da ispravljani podaci moraju biti vidljivi, potvrđeni potpisom ponuđača i sa datumom izvršenja ispravke”.*

Član 57. stav (1) ZJN propisuje da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Shodno naprijed navedenom Komisija je jednoglasnom odlukom dala preporuku Ugovornom organu da ponudu odbaci kao neprihvatljivu u skladu sa članom 68. stav (4) tačka i) Zakona o javnim nabavkama.

Obzirom da je ponuda ponuđača „GANIK I.D.A“ d.o.o. Vitez, kao jedina prihvatljiva, premašila procijenjenu vrijednost nabavke, Komisija je Službi pokretaču nabavke i rukovodiocu ugovornog organa uputila akt broj: 01-23-9-1020/18-4 od 25.12.2018. godine kojim je traženo mišljenje o obezbjeđenju dodatnih sredstava za ovu nabavku u iznosu od 14,59 KM, kako bi dala preporuku o izboru ponuđača ili poništenju postupka. Načelnik općine je svojom signacijom od 25.12.2018. godine potvrdio da je moguće iznaći dodatna sredstva te da se ponuda ponuđača „GANIK I.D.A“ d.o.o. Vitez prihvati.

Komisija za ovu javnu nabavku, dostavila je dana 26.12.2018. godine općinskom načelniku Zapisnik o radu Komisije i ocjeni ponuda koji je ujedno i Izvještaj o radu Komisije broj: 01-23-9-1020/18-3 sa preporukom o izboru najpovoljnijeg ponuđača za predmetnu javnu nabavku.

Shodno navedenom Komisija je prema utvrđenom kriteriju „najniža cijena“ preporučila općinskom načelniku da se u predmetu javne nabavke radova: „Izvođenje radova na spajanju vodovoda „Trebišnjica“ na bušotinu i spajanje rezervoara u naselju Maline“ bez podjele na lotove, donese Rješenje o izboru najpovoljnijeg ponuđača i da se kao najbolje ocijenjena prihvatljiva ponuda određuje ponuda ponuđača „GANIK I.D.A.“ D.O.O. VITEZ, te da se u skladu sa Članom 69. stav (1) alineja pod a) i Članom 70. stav (1) Zakona o javnim nabavkama BiH postupak javne nabavke okonča zaključivanjem ugovora sa najpovoljnijim kvalifikovanim ponuđačem.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, računsku kontrolu ponuđenih cijena, te ocjenu prispijelih ponuda shodno kriterijima iz Tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 5 (pet) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

DOSTAVITI:

1. Ponuđačima
2. Arhiva.

OB 001

N A Č E L N I K

Admir Hadžiemrić, dipl. ecc.

Strana 2 od 2